

**■ COLUMNA**

# Vacanzas all inclusive

DA BRUNO BLOGG

La colur brina da la pel è Lgia svanida ed a las vacanzas passadas regordan sulet ina fulla fotografias bain arcunadas en il sistem android. Il temp suenter è tant impurtant sco il temp avant las vacanzas. Gist per mia enconuschenta che jau hai entupà dacurt avant stizun. En in tempo enorm ha ella laschè repassar sias vacanzas cun stritgar il det sur il touchscreen dal smartphone vi. «Guarda il schazi quà, ed il schazi là.» Nundumbraivlas variantas da tut ils schazis da mia enconuschenta en il sablun, sper il sablun, fotografads da sura e da sut, en l'aua, sper l'aua, sur l'aua e sut l'aua. «Super genial, na se gir e lu tut uschè favuravel, all inclusive, bellezza, e l'auter onn probablmain anc ina giada.» Jau na guard gia da ditg betg pli e vesel sulet il det da mia enconuschenta a laschar sdrimas grassas sin il touchscreen. Ed jau hai prescha, il gentar per mes figl, en ventg minutas vegn el or da scola, las duas pizzas scheladas duessan gia esser en furnel. Mia enconuschenta avess gnanc stuì mussar las fotos, nus essan gie stads en il medem lieu en vacanzas.

Mes figl ed jau essan sa Mchapescha era sa mess sin il viadi or en il mund. Vers la Turchia, principalmain pervia dal pretsch, la mar ed all inclu-

sive. Mangiar e baiber en abundanza senza stuair pensar vi dal preventiv.

T radi avain nus nagut da noss plans e tuttina. Gia en l'aviun avain nus udi vuschs currentas, la famiglia da mia enconuschenta ha schizunt reservà il medem hotel. In pau sa grittentà sun jau schon. I dat tantas pussaivladads da far vacanzas en la Turchia, daco gist en il medem hotel da medem temp. Ella è ina bunatscha, mia enconuschenta, ella baterla in pau bler e ses um ri in pau excessiv, basta. Il mund è dentant pitschen, fitg pitschen, en l'hotel avain nus entupà anc plirs enconuschents. Lungurus èn las vacanzas tuttina betg stadas, ni per mes figl ni per mai. Nagut cun turas da cultura e forsa anc runar crappa a chasa. E patir il destin sco il chau da la polizia vallesana e laschar bittar en praschun pervia dad in crappel, na grazia. Il pli fetg ha plaschè a mi il program da divertiment purschi da l'hotel. Per exempel la varianta tirca da «Schneewittchen ed ils set nanins». L'um da mia enconuschenta ha ris da crappar. Sch'i interessescha, las fotos haja chargia sin facebook.

Jau fagess gugent in giada Jvacanzas en l'Egipta. Elena, ina conscolara da mes figl, è gia stada là cun la famiglia. Ella ha senz'alter dà plaid e fatg davart

quella aventura. «Pia Elena, raquinta, co esi stà en l'Egipta?» «Super bel, ma chalira, per ventira è l'hotel stà climatisà, nus avain strusch bandunà l'edifizi.» «Ma nudads en la mar essas?» «Far bogn e stà megagail, ma betg en la mar, ella è tschuffa, nus essan nudads en il pool da l'hotel.» «La cuschina egipziana saja fitg speziala, haja dudi?» «Super, nus avain mangià super, schizunt pommes cun ligiongias brassadas ha i dà. Il bab ha mangià insatgè spezial. In'emna n'ha el betg dastgà bandunar la stanza pervia da diarrea. El ha passentà bunamain las entiras vacanzas sin la tualetta.» «In bel t-shirt has, Elena, cun in maletg dal Nil, has cumprà quel sin in martgà?» «Da quel t-shirt hai jau grond plaschair, ma sin ils martgads en l'Egipta nun esi pussaivel da comprar insatgè, bler memia malsegir, nunpussaivel da sa fidar dals indigens. Il t-shirt hai jau cumprà en il duty free shop sin la piazza aviatica.» En vista a las explicaziuns dad Elena interessescha l'Egipta mai fitg.

Enfin che jau hai puspè Entupà mia enconuschenta avant stizun cun il smartphone. «Guarda qua, vacanzas en l'Egipta èn momentan fitg favuravlas. Avais ti e tes figl plans per las vacanzas d'atun?» «Gemia buna, trekking a Beluschistan, sin in camel, all inclusive.» Mes figl ha guardà nausch.